



## **SYARAT-SYARAT PENJAJA BAZAR RAMADAN MAJLIS DAERAH KERIAN BAGI TAHUN 2023**

- 1 Bayaran perkhidmatan sampah, sewa tapak dan kad tanda nama bagi perniagaan penjaja bazar ramadan yang ditetapkan hendaklah dijelaskan ke Majlis ini terlebih dahulu sebelum memulakan perniagaan.
- 2 Kebenaran ini diberi sementara sahaja sempena menyambut bulan puasa.
- 3 Perniagaan yang dijalankan hanya di tempat yang ditetapkan / dibenarkan oleh Majlis Daerah Kerian dan masa perniagaan yang dibenarkan selepas jam 3.00 petang setiap hari.
- 4 Barang-barang larangan seperti mercun dan bunga api tidak dibenarkan dijual di bazar ramadan.
- 5 Tuan/puan tidak dibenarkan meninggalkan sisa-sisa jualan seperti hampas tebu, kulit kelapa dan sebagainya di tempat perniagaan. Tuan/puan hendaklah terlebih dahulu melapik tempat memproses air tebu / kelapa bagi memudahkan untuk mengumpul semua sisa-sisa jualan untuk dimasukkan ke dalam beg plastik dan dibuang ke dalam tong sampah amroll yang telah disediakan oleh pihak Majlis di kawasan berhampiran tapak perniagaan.
- 6 Tuan/puan juga tidak dibenarkan meninggalkan perkakas perniagaan seperti meja, payung, bangku, roda tiga dan sebagainya di tempat perniagaan.
- 7 Semua pengendalian makanan hendaklah mendapat suntikan thypoid yang sah tempoh dan wajib menghadiri kursus pengendalian makanan.
- 8 Peniaga yang menjual makanan bermasak hendaklah memakai tudung kepala atau topi, apron dan kasut bertutup setiap masa semasa mengendali makanan.
- 9 Semua makanan yang dipamerkan untuk jualan mesti bertutup dan tidak dibiarkan di dalam keadaan terdedah kepada persekitaran.
- 10 Semua barang jualan mesti mempamerkan tanda harga.
- 11 Peniaga-peniaga membakar ikan/ayam panggang/percik perlu menyediakan pelapik di petak perniagaan supaya minyak/arang daripada proses pembakaran/panggang ini tidak bertaburan di atas jalan **DAN DIINGATKAN BAHAN BAKAR TIADA BARA API SELEPAS PERNIAGAAN BAGI MENGELAKKAN PUNCA KEBAKARAN.**



## **SYARAT-SYARAT PENJAJA BAZAR RAMADAN MAJLIS DAERAH KERIAN BAGI TAHUN 2023**

- 12 Semua sisa-sisa perniagaan sama ada cecair atau pepejal dan sampah sarap dilarang di buang ke dalam mana-mana parit, longkang awam dan di atas jalan. Hendaklah dimasukkan ke dalam karung plastik dan dibuang ke dalam tong sampah awam.
- 13 Peniaga dikehendaki sentiasa menentukan kawasan petak berniaga dan sekitarnya berkeadaan bersih dan tiada sampah sarap sisa-sisa bertaburan.
- 14 Dilarang meletak barang makanan di atas mana-mana jalan awam.
- 15 Semua peralatan yang digunakan untuk perniagaan khusus yang melibatkan jualan makanan/minuman mesti sentiasa berkeadaan baik dan bersih.
- 16 Semua bungkusan makanan tidak dibenarkan menggunakan kertas bercetak secara terus dengan makanan.
- 17 **DILARANG MENGGUNAKAN BEKAS POLISTIRENA (POLISTRINE)** dan perlu menggunakan bekas makanan / bungkusan dari bahan yang mudah diurai secara semula jadi atau mesra alam atau boleh dikitar semula.
- 18 Pakaian dan kebersihan diri hendaklah sentiasa di dalam keadaan yang bersih.
- 19 Tidak dibenar memindah milik, menyewa, menggunakan ruang melebihi tapak penjaja tanpa kebenaran daripada Majlis.
- 20 Dilarang sama sekali melakukan apa-apa perkara yang boleh merosakkan harta benda Majlis.
- 21 Pihak Majlis berhak meminda syarat-syarat tersebut dari semasa ke semasa.
- 22 Adalah diingatkan bahawa menurut **Undang-Undang Kecil Penjaja (Majlis Daerah Kerian) 1984** boleh menawarkan kompaun tidak melebihi **RM 250.00** akan dikenakan kepada mana-mana peniaga yang ingkar mematuhi syarat-syarat atau arahan penjawat Majlis serta lesen sementara perniagaan bazar ramadan akan dibatalkan.